

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

經部
第八四冊

責任編輯：孫言誠 賀 偉

ISBN 7-5333-0580-9



5612/04

四庫全書存目叢書·經部八四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.25 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

經部第八四冊目次

經部·禮類

周禮註疏十八卷首一卷

〔明〕張采撰
上海圖書館藏明末刻本

一

讀周禮略記六卷

〔明〕朱朝瑛撰
北京圖書館藏清鈔七經略記本

三三四

古周禮釋評六卷

〔明〕孫明攀撰
清華大學圖書館藏明萬曆三十一年刻本

四〇九

考工記纂註二卷

〔明〕程明哲撰
清華大學圖書館藏明萬曆刻本

五七九

周禮說略六卷

張嘉玲輯
上海圖書館藏鈔本

六三八

周禮註疏十八卷首一卷

〔明〕張采撰

上海圖書館藏明末刻本

附《四庫全書總目·周禮註疏

合解十八卷》提要

周禮合解序

周禮廢興賈氏序之詳矣其後陳俞諸家取大司徒之半復盡小司徒以補冬官夫冬官卽匪考工記可塞然使襍裂五官以示完備何啻斷鶴頸剝琴紋貽議有識故有謂冬官不亡

周禮序

一

散見五官者其說爲傳疑然使冬官旣亡守茲闕文亦可無媿鄭杜而今制不列學官科舉之士無屬悠悠漫漫未得專說余擬合鄭註賈疏嚴定趣舍其後儒譌述雖意見紛紜亦豈盡無裨益則以次輯綴彙爲全編而

歲月因仍。忽復不果。所以然者。從來用周禮亂天下者。無過王安石。彼嘗著新經周禮義二十二卷。熙寧中。設經義局。自爲周官義十餘萬言。而楊中立先生亦有周禮辨疑一卷。以攻安石。此二書者。邪正治否。判若蒼素。

周禮序

二

得此以供採錄。則紫陽先生所謂周禮廣大精密。不可遂云無與心性事也。廼家乏藏書。此二書杳無從索借。則又恥爲經生章句。聊爾姑置。適賈人以友人所纂周禮註疏相示。余旣卒業而嘆曰。嗟夫。周禮爲諸儒襃裂。

幾令人不復見古本節目。今是書也行。康成之學。將還舊觀。且其于諸儒移置者。仍爲標指。以著訛謬。則益令正經顯白。但於漢唐註疏外。有參攷衆家。釐益整散者。則不得直名註疏。因題曰周禮合解。亟勸廣布。使通經

周禮序

三

之子。知古本所繇。更約略易習。功及來俊矣。曰。然則冬官其遂亡乎。曰。賈氏引秦禁挾書。而其政酷烈。與周官反。疾惡特甚。欲滅絕之。故周官最後出。余以爲冬官之亡。又不盡繫秦禁。孟子曰。諸侯去其籍。今按冬官所屬。

皆應經理畝澮。度地量居。則當井田。不行冬官已先漫沒。蓋戰國時固不可詰。況於漢武之世。又況於今日乎。然別書載沅州劉有年。洪武中爲監察御史。永樂中。上儀禮逸經十八篇。一云永樂初。太平守劉有年。進逸禮。則知初唐所亡之書。國初猶有表獻者。而今問之中秘。復云無有。然則古文興廢。豈人所能主。而欲強生填績。陋矣。故予謂闕冬官以安古本。猶之春秋紀夏五。無怪也。

吳下張采受先題



周禮註疏攷

古吳陳仁錫明卿甫述

儒者多讀無用之書。爛然芸紉而曾不比。保殘守闕之漢儒。古人所謂有書不讀。良可惜也。余不慧。引東方朔飲酒法。大畧東西周石秦漢斗晉魏以下。不過二升。醕然醉矣。六經醇醴也。其猶宗廟燕饗。王及后世子諸有秩。周禮註疏攷 一 以式敘者乎。若周禮則五齊三酒。清醫漿醕共酒。酌數入于酒府。惟王詔詔之。故周禮之於五經也。如關石和鈞焉。嘗論宗一周周公監夏殷六百餘年。至孔子周禮在。嘗曰。舍周何適矣。粵邇禹會塗山。玉帛萬國。湯黜夏歸商者三千周。蓋千八百國會。孟津八百及春秋冠帶十二。未幾合爲七。併於秦。周諸侯盡。

矣諸侯盡而周亡周亡禮亡孟子周末人也
公田私田說已不詳幸其書出于文景之代
故四書者周禮之箋疏也吳臨川曰周官六
篇其冬官一篇缺漢藝文志序列于禮家後
人名曰周禮文帝嘗召至魏文侯時老樂工
因得春官大司樂章景帝子河間獻王好古
學購得春官五篇武帝求遺書上之藏于秘
府禮家諸儒皆莫之見哀帝時劉歆校理秘
書始著于錄略以攷工記補冬官之缺歆門
人河南杜子春能通其讀鄭衆賈逵受業於
杜漢末馬融傳之鄭玄玄註行世宋張子程
子皆尊信之王文公又爲新義朱子謂此經
周公所作但當時行之恐未能盡後聖雖復
損益可也冬官雖闕以尚書周官攷之冬官

周禮註疏

攷

二

司空掌邦土而雜于地官司徒掌邦教之中
今取其掌邦土之官列于司空之後庶乎冬
官不亡而攷工記別爲一卷附之經後云愚
按冬官非闕也或曰攷工記其殆邃古之書
而周人輯之歟築氏之爲削也鳧氏之爲聲
也巢氏之爲量鍾氏之爲染羽也其義不通
於今古音也甌甌黼黻庾豆皆埴也有虞氏
周禮註疏

攷

三

太上臯陶臯臬之范也故攷工記遠矣辭薄
商書銘埒商頌文采則虞書之繪繡尺度則
禹貢之斤後之作者猶騏驥之逐日而馳遼
乎其不相及矣故此書隸于周官可不隸於
周官可其不亡者劉氏力也補冬官昉宋俞
廷椿氏其後王次點氏丘葵氏吳澄氏何喬
新氏繼之互有增損大都剝地官之似以補

周禮註疏

攷

四

冬官大司徒之文十去八九小司徒則盡去
之夫大禹相舜猶系司空故召康公以太保
營洛仲山甫以冢宰城齊召穆公平淮夷亦
命管謝宋皇國父以太宰爲平公築臺而司
城子罕以行朴春秋築城作邑無慮百千能
者爲之未有專屬穆王命君牙作司徒敷五
典和民則矣而祁寒暑雨小民怨咨則安民

固多端詩不云乎乃召司徒俾立室家不廢
土也王畿千里大司徒爲政內而六鄉小司
徒鄉師以下主之六鄉之外爲六遂遂人遂
師以下主之六遂之外爲都鄙王子公卿大
夫之采地所謂畿內諸侯也大宰旣以八則
治其國六鄉六遂天子親擇官而治之所異
者六遂之官爵每下六鄉一等耳柯氏作釋

周禮註疏

攷

五

原割遂人以下四十職以補冬官較五家尤
謬攷五家所輯如天官繕夫不離肆亨人在
庖而獻鼈之人遊于他署內司服不出闥縫
人在室而絲枲玄黃不奉機杼掌舍掌次幕
人後世之更衣湯沐也獸醫以調天子之馬
夏采以待大喪之復而黜之他官春官大史
小史內史外史御史謂之五史故曰祝史示

虔也內宗外宗內女外女使觀于王后之奉宗廟饗諸侯助王亞祿示敬也天府所藏宗器也治中也民數穀數也示虔也司服掌五禮之冕服示辨也冢人職天子之陵使墓大夫達于天下萬姓示戚也馮相保章氏天子以登臺祗祲書雲物示慎也曷爲外之牛人隸地官羊人隸夏官犬人隸秋官大祭祀大

掌行火之政令以出內火羊人共羊牲匡人以法則而匡諸侯擇人掌誦王志職方氏掌地圖諸侯牧伯秘不得見形方氏制地域土方氏以土圭相宅訓方氏道四方之政事量人量軍壘軍舍州涂軍社山師川師以山澤之名物利害而頒之于邦國原師辨天下之地名而封國立邑司弓矢橐人繕人弁師掌戎服節服氏職袞冕皆有秩于司馬不可闕也大行人以下九職舊隸司寇置行人以立于司寇之間隱然王鈇之不犯今盡取其九職入之春官何居司隸五隸之長罪隸郡國之俘四隸四夷之俘大司寇以隸處之以法繩之而役之槽枥之間曷爲入于司馬乎以全經言之亦有可疑蓋墨罪五百剋罪五百

則皋五百宮皋五百太平之世殘刑剗膚赭衣非屢交臂歷指而塞路疑一也泉府之職官與民市吏不能皆才民不能皆愿吏橫則欺民民猾則欺吏疑二也周家祭祀莫諱於頌昊天之神郊祀無分祭之文殷之詩望祀四嶽河海四望與山川無異祭之文既右烈考亦右文母之神妣與祖無各祭之文其作

周禮註疏

攷

八

樂亦未聞有用歷代之奏以分祀之禮疑三也周西都今關中也東都今洛陽也關中距北虜二百里封地不加益且以千八百國計之公五百里侯四百里伯三百里子二百里男百里而海內之地方千里者九何以封疑四也又如以期會男女調人和萬民致珍異之物國服爲之息或羸補或誤解善哉乎鄭

氏玄之言也其註小司馬之職曰此下字脫滅札爛文闕漢興求之不得遂無識其數者蓋當時僅除挾書律漢武詔求亦晚說卦河內女子始出卦圖著圖占法樂經笙詩六篇皆亡附會間有又謂此書出于劉歆歆嘗學奇字于楊雄故字多誕然何累于全經駁鄭氏嘉石註云嘉石文石也使民思其文理而

周禮註疏

攷

九

悔過焉則溱澮之瑤琨汶泗之琳琅不尤善乎肺石註曰赤石也則黃白之石不可用乎邦汙者奸民乘上隙而激衆以倡亂如水之激而逆行也今註云汙如斟酌之酌乎鈞金束矢非貧民可辦履肺石而號撾路鼓而鳴先王故不以鈞金束矢而終困苦之矣雖然不猶愈五家耕無主之田而自畝涓也哉王

安石不善讀周禮胡致堂不讀周禮正不知作何分別大抵學者始失于過信究失于過疑過信則無書不可讀過疑則無書足讀此千古讀書之鑒也五家本何氏最後爰書具而報當故以何氏本行之仍吳興訓雋之舊余乃句爲之解自外屬隸本屬書舊隸某官自本屬黜外屬亦書舊隸某官補冬官者凡

周禮註疏

攷

十

目之下各書其出而古本瞭然宜復若夫陳

諸

黼坐

詔諸學宮前賢論列詳矣

序周禮興廢

周公制禮之日禮教興行後至幽王禮義紛亂故孔子云諸侯專行征伐十世希不失鄭註云亦謂幽王之後也故晉侯趙簡子見儀皆謂之禮孟僖子又不識其儀也至於孔子更脩而定之時已不具故儀禮註云後世衰微幽厲尤甚禮樂之書稍稍廢棄孔子曰吾自衛反魯然後樂正雅頌各得其所謂當時在者而重複雜亂者也惡能存其亡者乎至孔子卒後復更散亂故藝文志云昔仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周之衰諸侯將踰濫度惡其害已滅去其籍自孔子時而不具至秦大壞漢興至高堂生博士傳十七篇孝宣世后倉最明禮戴德戴聖慶普皆其弟子三家立於學宮案儒林傳漢興高堂

周禮序

興廢

一

生傳禮十七篇。而魯徐生善爲容。孝文時。徐生以容爲禮官大夫。而瑕丘蕭奮以禮至淮陽太官。孟卿東海人也。事蕭奮以授后。舍說禮數萬言。號曰后氏曲臺記。授戴德。戴聖。鄭云五傳弟子。則高堂生。蕭奮。孟卿。后舍。戴德。戴聖。是爲五也。此所傳者。謂十七篇。卽儀禮也。周官。孝武之時。始出。秘而不傳。周禮後出者。以其始皇特惡之故也。是以馬融傳云。秦自孝公以下。用商君

周禮序

興廢

二

之禮。其政酷烈。與周官相反。故始皇禁挾書。特疾惡。欲絕滅之。搜求焚燒之。獨悉是以隱藏百。年。孝武帝始除挾書之律。開獻書之路。旣出於山巖屋壁。復入於祕府。五家之儒。莫得見焉。至孝成皇帝。達才通人。劉向子歆。校理祕書。始得列序著于錄略。然亡其冬官一篇。以考工記足足之時。眾儒並出。其排以爲非是。唯歆獨識其年尚幼。務在廣覽博觀。又多銳精於春秋末年。

周禮序

興廢

三

乃知其周公致太平之迹。具在斯。奈遭天下倉卒。兵革並起。疾疫喪荒。弟子死喪。徒有里人河南族氏杜子春。尚在永平之初。年且七十。家于南山。能通其讀。頗識其說。鄭衆賈逵。往受業焉。衆逵洪雅博聞。又以經書記轉相證明。爲解。逵解行於世。衆解不行。兼攬二家爲備。多所遺闕。然衆時所解說。近得其實。獨以書序言成王旣黜殷命。還歸在豐。作周官。則此周官也。失之矣。達以爲六卿大夫。則冢宰以下。及六遂爲十五萬家。紂千里之地。甚繆焉。此比多多。吾甚憫之。父矣。六卿之人。實居四同地。故云紂千里之地者。誤矣。又六卿大夫冢宰以下。所非者不著。又云多多者。如此解不著者多。又云至六十爲武都守。郡小少事。乃述平生之志。著易尚書詩禮傳皆訖。惟念前業未畢者。唯周官年六十有六。目瞑意倦。自力補之。謂之周官傳也。案藝文志

周禮序

典廢

四

云。成帝時。以書頗散亡。使謁者陳農求遺書于天下。詔光祿大夫劉向校書經傳諸子詩賦。凡輒條其篇目。撮其指意。錄而奏之。會向卒。哀帝復使向子歆卒父業。歆于是總羣書。奏其七略。故有六藝七略之屬。歆之錄。在於哀帝之時。不審馬融何云。至孝成皇帝。命劉向子歆考理秘書。始得列序著於錄略者。成帝之時。蓋劉向父子並被帝命。至向卒。哀帝命歆卒父所脩者。故

周禮序

典廢

五

太儒明理于典籍。猶識皇祖大經。周官之義。存古字。發疑正讀。亦信多善。徒寡且約。用不顯傳於世。今讚而辨之。庶成此家世所訓也。○其名周禮爲尚書。周官者。周天子之官也。書序曰。成王既黜殷命。滅淮夷。還歸在豐。作周官。是言蓋失之矣。案尚書盤庚。康誥。說命。秦誓之屬三篇。序皆云某作若干篇。今多者不過三千言。又書之所作。據時事爲辭。君臣相誥命之語。作周官之時。周公又作立政上下之別。有一篇周禮。乃六篇文異。數萬終始辭句。非書之類。難以屬之。時有若茲焉。得從諸。又云。斯道也。文武所以綱紀周國。君臨天下。周公定之。致隆平龍鳳之瑞。然則周禮起于成帝劉歆。而成於鄭玄附離之者大半。故林牟存以爲武帝知周官。末世瀆亂不驗之書。故作十論七難以排弃之。何休亦以爲六國陰謀之書。唯有鄭玄編覽羣經。知周禮

者乃周公致太平之迹。故能蒼林碩之論。難使周禮義得條通。故鄭氏傳曰。玄以爲括囊大典。網羅衆家。是以周禮大行。後王之濃。易曰神而化之。存乎其人。此之謂也。

周禮序

興廢

六

周禮舊序

宋王安石撰

士弊于俗學久矣。聖上閔焉。以經術造之。乃集儒臣訓釋厥旨。將播之校學。而臣某實董周官。唯道之在政事。其貴賤有位。其後先有序。其多寡有數。其遲速有時。制而用之。存乎德。推而行之。存乎人。其人足以任官。其官足以行法。莫盛乎成周之時。其法可施於後世。其文有見於載藉。莫具於周官之書。蓋其因習以崇之。庚續以終之。至於後世。無以復加。則豈特文武周公之力哉。猶四時之運。陰陽積而成寒暑。非一日也。自周之衰。以至於今。歷歲千數百矣。太平之遺跡。掃蕩幾盡。學者所見。無復全經。於是時也。乃欲訓而發之。臣誠不自揆。然知其難也。以訓而發之。爲難。則又以知夫立政造事。追而復之。爲難。然竊觀其上。致法就功。取成於心。訓迪在位。有馮有翼。疊疊乎鄉六服承德之世矣。以

舊序

七

所觀乎今。攷所學乎古。所謂見而知之者。臣誠不自揆。妄以爲庶幾焉。故遂昧冒自竭。而忘其材之弗及也。謹列其書爲二十有二卷。凡十餘萬言。上之御發。副在有司。以待制詔頒焉。

周禮序

舊序

人

三禮總辨

宋莆陽鄭樵漁仲撰

禮之別也有三。曰周禮。曰禮記。曰儀禮。幸經疏曰。禮經三百。威儀三千。禮經說曰。正經三百。動禮三千。禮器曰。禮經三百。曲禮三千。中庸曰。禮儀三百。威儀三千。此諸文當時制作。本有二書。其三百篇者。記言官府職掌上下之序。其三千者。皆委曲升降進退之辭。安知周禮儀禮。乃周人之禮。而所謂禮記者。特二禮之傳註耳。漢興

周禮序

總辨

九

禮經焚燒獨甚。唯魯高堂生所傳士禮一十七篇。今之儀禮是也。與夫后倉曲臺雜記數萬言而已。曲臺。天子射宮。西京無學。行禮於曲臺。后倉禮記數萬言。號曲臺雜記。今之禮記是也。而周禮一書。至武帝時。河間獻王得之於女子李氏。失其冬官。以考工記足之。獻於武帝。時藏之祕府。五家之傳莫得見焉。五家傳。堂生。蕭奮。孟卿。弟子高。后倉。大戴。小戴。漢世諸儒傳授。皆以曲臺雜記。故二戴禮在宣帝時立學官。周禮儀禮。世雖傳

其書。未有名家者。至鄭康成。然後二註之訓釋。始具焉。至孔穎達。賈公彥。而後三經疏始備焉。

周禮序

總辨

十

周禮序

元清源鈞磯丘葵吉甫誤

周禮一書。周公爲天地立心。爲生民立命。爲萬世開太平之書也。後世之君臣。每病於難行也。何居。葉水心謂周禮晚出。而劉歆遽行之大壞矣。蘇綽又壞矣。王安石又壞矣。千四百年。更三大壞。此後君臣病於難行。然則其終不可行乎。善乎真西山之言曰。有周公之心。然後能行周禮。無周公之心而行之。則悖矣。周公之心。何心。

周禮序

士

也。堯舜禹湯文武之心也。以是爲書。故能爲天地立心。爲生民立命。爲萬世開太平也。歆也。綽也。安石也。無周公之心。而欲行之。適所以壞之也。有能洗滌三壞之腥穢。而一以性命道德起天下之公也。則是書無不可行矣。鄭賈諸儒析名物。辨制度。不爲無功。而聖人微指。終莫之賂。惟洛之程氏。關中之張氏。新安之朱氏。其所論說。不過數條。獨得聖經精微之蘊。蓋張程朱氏。